

## 1994 nr. 117 16. september

### Lög um skipulag ferðamála

#### I. kafli. Tilgangur og yfirstjórn.

■ **1. gr.** Tilgangur laga þessara er að stuðla að þróun ferðamála sem atvinnugreinar og skipulagningu ferðapjónustu fyrir íslenskt og erlent ferðafólk sem mikilvægs þáttar í íslensku atvinnu- og félagslífi, bæði með hliðsjón af þjóðhagslegri hagkvæmni og umhverfisvernd.

■ **2. gr.** Samgönguráðuneytið fer með yfirstjórn mála þeirra sem lög þessi taka til.

□ Samgönguráðherra er heimilt að setja reglugerð<sup>1)</sup> um skipulag ferðamála að því leyti sem það er nauðsynlegt vegna skuldbindinga er leiðir af samningi um Evrópskt efnahagssvæði milli Efnahagsbandalags Evrópu, Kola- og stálbandalags Evrópu og aðildarríkja þess annars vegar og aðildarríkja Fríverslunarsamtaka Evrópu hins vegar, sbr. lög um Evrópska efnahagssvæðið.

<sup>1)</sup> Augl. 571/1993.

#### II. kafli. Ferðamálaráð Íslands.

■ **3. gr.** Ferðamálaráð Íslands fer með stjórn ferðamála undir yfirstjórn samgönguráðuneytisins.

□ Halda skal fund í ráðinu í janúarmánuði og afgreiða á þeim fundi fjárhagsáætlun ráðsins fyrir það ár, sbr. 8. gr. Aðrir fundir skulu haldnir samkvæmt ákvörðun ráðsins eða framkvæmdastjórnar.

■ **4. gr.** Samgönguráðherra skipar menn í Ferðamálaráð til fjögurra ára í senn. Skulu fimm skipaðir án tilnefningar og skal einn þeirra vera formaður ráðsins og annar varaformaður.

□ Aðra fulltrúa í Ferðamálaráð skipar ráðherra eftir tilnefningu en eftirtaldir aðilar tilnefna einn mann hver:

1. Félag hópferðaleyfishafa.
2. Félag íslenskra ferðaskrifstofa.

3. Félag leiðsögumanna.

4. Félag sérleyfishafa.

5. Ferðafélag Íslands.

6. Flugleiðir hf.

7. Náttúruverndarráð.

8. Samband veitinga- og gistiþúsa.

9. Önnur flugfélög en Flugleiðir hf.

10. Ferðapjónusta bænda.

11. Reykjavíkurborg.

12. Ferðamálasamtök Vesturlands.

13. Ferðamálasamtök Vestfjarða.

14. Ferðamálasamtök Norðurlands vestra.

15. Ferðamálasamtök Norðurlands eystra.

16. Ferðamálasamtök Austurlands.

17. Ferðamálasamtök Suðurlands.

18. Ferðamálasamtök Suðurnesja.

□ Varamenn skulu skipaðir á sama hátt.

□ Þóknun ráðsmanna greiðist af þeim aðilum sem hafa tilnefnt þá.

■ **5. gr.** Samgönguráðherra skipar sjö manna framkvæmdastjórn Ferðamálaráðs og skulu allir stjórnarmenn eiga sæti í Ferðamálaráði.

□ Einн er formaður Ferðamálaráðs og skal hann vera formaður framkvæmdastjórnar. Annar er varaformaður Ferðamálaráðs og skal hann vera varaformaður framkvæmdastjórnar. Eftirtaldir aðilar skulu tilnefna einn mann hver: Ferðamálasamtök landshluta sem tilgreind eru í 12.-18.

tölul. 2. mgr. 4. gr. sameiginlega, Félag íslenskra ferðaskrifstofa, Flugleiðir hf., Reykjavíkurborg og Samband veitinga- og gistiþúsa. Varamenn skulu skipaðir á sama hátt.

□ Framkvæmdastjórn fer með yfirstjórn á starfsemi Ferðamálaráðs á milli funda ráðsins og í samræmi við ákværðanir þess. Ferðamálaráði og framkvæmdastjórn er heimilt að skipa undirnefndir til þess að vinna að einstökum málaflokkum. Heimilt er að skipa í undirnefndir menn er ekki eiga sæti í Ferðamálaráði.

■ **6. gr.** [Að fenginn umsögn Ferðamálaráðs skipar ráðherra ferðamálastjóra til fimm ára í senn. Ferðamálastjóri annast daglega stjórn Ferðamálaráðs samkvæmt því sem ráðið ákvæður.]<sup>1)</sup>

□ Ferðamálastjóri situr fundi Ferðamálaráðs og framkvæmdastjórnar með málfrelsi og tillögurétti.

<sup>1)</sup> L. 83/1997, 141. gr.

■ **7. gr.** Verkefni Ferðamálaráðs eru þessi:

1. Skipulagning og áetlanagerð um íslensk ferðamál.
2. Landkynning og markaðsmál.
3. Pátttaka í fjölpjóðlegu samstarfi um ferðamál.
4. Ráðgjöf og aðstoð við aðila ferðapjónustunnar og samræming á starfsemi þeirra.

5. Skipulagning náms og þjálfunar fyrir leiðsögumenn samkvæmt sérstakri reglugerð þar að lútandi.

6. Skipulagning námskeiða fyrir aðila ferðapjónustunnar um samskipti og þjónustu við ferðamenn.

7. Forganga um hvers konar þjónustu- og upplýsingastarfsemi fyrir ferðamenn.

8. Starfræksla sameiginlegrar bókunarmiðstöðvar í samvinnu við aðila ferðapjónustunnar.

9. Samstarf við [Náttúruvernd ríkisins]<sup>1)</sup> og aðra hlutað-eigandi aðila um að umhverfi, náttúru- og menningarverð-mæti spillist ekki af starfsemi þeirri sem lög þessi taka til.

10. Frumkvæði að fegrún umhverfis og góðri umgengni á viðkomu- og dvalarstöðum ferðafólks. Samstarf við einkaaðila og opinbera aðila um snyrtilega umgengni lands í byggðum sem óbyggðum.

11. Könnun á réttmæti kvartana um misbresti á þjónustu við ferðamenn.

12. Undirbúningur og stjórn almennra ráðstefna um ferðamál.

13. Önnur þau verkefni sem Ferðamálaráð ákvæður eða því eru falin með lögum þessum eða á annan hátt.

<sup>1)</sup> L. 93/1996, 41. gr.

■ **8. gr.** [Fjármagni því sem Ferðamálaráð hefur yfir að ráða skal varið á eftirfarandi hátt:]<sup>1)</sup>

a. Til að veita einkaaðilum og opinberum aðilum styrki til að koma upp eða endurbæta aðstöðu fyrir ferðamenn.

b. Til landkynningarverkefna á vegum Ferðamálaráðs.

c. Til Ferðamálasjóðs til styrkveitinga, sbr. 20. gr.

□ Ferðamálaráð gerir fjárhagsáætlun fyrir eitt ár í senn sem skal lögð fyrir samgönguráðherra en hann tekur endanlega ákvörðun.

□ Kostnaður af starfsemi Ferðamálaráðs skal að öðru leyti greiddur úr ríkissjóði samkvæmt ákvæðum fjárlaga.

<sup>1)</sup> L. 144/1995, 49. gr.

#### III. kafli. Almennar ferðaskrifstofur.

■ **9. gr.** [Ferðaskrifstofa merkir í lögum þessum fyrirtæki sem tekur að sér að veita í atvinnuskyni, að einhverju eða öllu leyti, eftirgreinda þjónustu fyrir almenning:

a. Hvers konar umboðssölu farmiða með skipum, bifreiðum, flugvélum eða járnbrautum og upplýsingar um slískar ferðir.

b. Útvegur gistiþúsnaðis.

c. Skipulagningu og sölu hópferða, innan lands eða erlendis, starfrækslu sætaferða og móttöku erlendra ferðamanna.

d. Starfrækslu bókunarþjónustu fyrir ferðir og gistingu, sbr. a-, b- og c-liði, og afþreyingu, þar með talinnar tölubókunarþjónustu.

□ Í reglugerð skulu sett nánari ákvæði um með hvaða hætti skuli hafa eftirlit með þjónustu ferðaskrifstofa.

□ Samgönguráðuneytið sker úr ef ágreiningur verður um hvort starfsemi telst falla undir a-c-lið hér að framan, svo og um það hvort um ferðaskrifstofustarfsemi sé að ræða í skilningi laga þessara.]<sup>1)</sup>

<sup>1)</sup> L. 73/1998, 1. gr.

■ **10. gr.** [Hver sá sem vill reka ferðaskrifstofu skal hafa til þess leyfi samgönguráðuneytis. Leyfi til reksturs ferðaskrifstofu skal veita í fyrsta sinn til tveggja ára en síðan til fimm ára í senn.

□ Erlend ferðaskrifstofa, sem hyggst opna starfsstöð á Íslandi, skal sækja um leyfi og leggja fram tryggingu fyrir starfsemi sinni svo sem nánar er fyrir mælt í lögum þessum.

□ Leyfi til reksturs ferðaskrifstofu skiptast í two flokka eftir umfangi:

1. *Ferðaskrifstofa*: Ferðaskrifstofa merkir í lögum þessum fyrirtæki, félag eða einstakling sem tekur að sér að veita í atvinnuskyni alla almenna þjónustu við ferðamenn, þar með talin skipulagning og miðlun ferða, þar með talin alferð, gisting og frístundaiðja, og selur almenna farseðla.

2. *Ferðaskipuleggjandi*: Ferðaskipuleggjandi merkir í lögum þessum fyrirtæki, félag eða einstakling sem skipuleggur ferðir hópa eða einstaklinga innan lands, einnig fyrirtæki sem annast móttöku hópa eða einstaklinga og skipuleggur fyrir þá dvöl og frístundaiðju eða fundi og ráðstefnur og þjónustu tengda þeim innan lands. Ferðaskipuleggjandi annast enga almenna farseðlaútgáfu til útlanda, hvorki með leiguflugi né áætlunarflugi.

□ Óheimilt er að stunda þau störf sem greind eru í þessum lögum, svo og að nota í nafni eða auglýsingum einstaklinga, félaga eða fyrirtækja orðið ferðaskrifstofa eða ferðaskipuleggjandi eða hliðstæð erlend orð nema hafa til þess leyfi samgönguráðuneytisins.

□ Ferðaskrifstofa skal hafa leyfi sitt til ferðaskrifstofureksturs sýnilegt á starfsstöð sinni.

□ Ráðuneytið ákvæður einnig hvaða íslensk ferðafélag eru undanþegin ákvæðum laga þessara að því er lýtur að ferðum innan lands.]<sup>1)</sup>

<sup>1)</sup> L. 73/1998, 1. gr.

■ **11. gr.** [Merking orða í lögum þessum er sem hér segir:

1. *Alferð*, sbr. lög um alferðir, nr. 80/1994, er fyrir fram ákveðin samsetning ekki færri en tveggja eftirfarandi atriða, þegar ferð er sold eða boðin til sölu á heildarverði og þegar þjónustan tekur til lengri tíma en 24 klst. eða í henni felst gisting:

a. flutnings,

b. gistingar,

c. annarrar þjónustu við ferðamenn sem tekur til verulegs hluta ferðarinnar.

Það telst alferð þótt reikningar sé gerðir sérstaklega fyrir hvert atriði.

2. *Leiguflug* er annað flug en reglubundið áætlunarflug til flutnings á farþegum með loftförum til og frá Íslandi þegar aðili, þar með talin ferðaskrifstofa, hefur tekið farrými loftfars að hluta eða öllu leyti á leigu hjá flugrekanda.

3. *Tryggingarskyld starfsemi* er sala alferða innan lands og utan og leiguflugs til útlanda.

4. *Viðskiptavinur* er sá sem kaupir alferð eða leiguflug hjá ferðaskrifstofu. Framselji viðskiptavinur alferð eða leiguflug til þriðja manns fær sá kröfu á ferðaskrifstofu stöðvist rekstur hennar eða verði hún gjaldþrota. Kaup á alferð eða sæti með leiguflugi til endursölu fellur ekki undir þessa skilgreiningu.

□ Í lögum þessum er orðið ferðaskrifstofa bæði notað um ferðaskipuleggjanda og ferðaskrifstofu nema annað sé tekið fram.]<sup>1)</sup>

<sup>1)</sup> L. 73/1998, 1. gr.

■ **12. gr.** [Sækja skal um leyfi til reksturs ferðaskrifstofu a.m.k. tveimur mánuðum áður en fyrirhuguð starfsemi skal hefjast. Leita skal umsagnar ferðamálastjóra um allar slískar umsóknir.

□ Til að öðlast leyfi til reksturs ferðaskrifstofu þarf umsækjandi að uppfylla eftirtalín skilyrði:

a. eiga lögheimili hér á landi samfellt í a.m.k. eitt ár; ríkisborgarar annarra ríkja Evrópska efnahagssvæðisins eru undanskildir skilyrði um ríkisfang samkvæmt samningnum um Evrópska efnahagssvæðið,

b. vera fjárráða og hafa forræði á búi sínu.

□ Enn fremur skal einn eða fleiri af starfsmönnum ferðaskrifstofunnar á hverjum tíma hafa að baki staðgóða reynslu við almennum ferðaskrifstofustörf.

□ Leyfi má veita félagi eða öðrum lögaðila sem á heimili hér á landi, enda sé forsvarsmaður slíks lögaðila fjárráða og hafi forræði á búi sínu. Sé um erlendan aðila að ræða eða íslenskan lögaðila sem erlendir aðili á hlut í er leyfisveiting þó háð því að fullnægt sé skilyrðum laga um fjárfestingu erlendra aðila í atvinnurekstri.

□ Hafi umsækjandi um ferðaskrifstofuleyfi haft leyfi til slískrar starfsemi á síðustu fimm árum og hafi sú ferðaskrifstofa orðið gjaldþrota eða rekstur hennar stöðvast með þeim afleiðingum að nauðsynlegt hafi verið að grípa til tryggingar skal umsókn um leyfi til ferðaskrifstofureksturs hafnað.]<sup>1)</sup>

<sup>1)</sup> L. 73/1998, 1. gr.

■ **13. gr.** [Áður en leyfi til ferðaskrifstofureksturs er veitt skal ferðaskrifstofa eða samtök slískra fyrirtækja leggja fram sönnun þess að hún hafi nægilega tryggingu til heimflutnings farþega erlendis frá auk þess sem skylt er að gera farþega kleift að ljúka alferð, hvort sem um er að ræða alferð innan lands eða utan, í samræmi við upphaflega áætlun hennar. Enn fremur skal tryggja endurgreiðslu þess fjár er viðskiptavinur hefur þegar greitt vegna alferðar sem enn er ófarin komi til rekstrarstöðvunar eða gjaldþrots ferðaskrifstofu.]<sup>1)</sup>

<sup>1)</sup> L. 73/1998, 1. gr.

■ **14. gr.** [Peim viðskiptavinum viðkomandi ferðaskrifstofu sem þegar eru í alferð, hvort sem um er að ræða alferð innan lands eða utan, skal gert kleift að ljúka ferð sinni. Í því felst að allt það sem viðskiptavinur hefur þegar greitt og er í samræmi við fyrir fram ákveðna alferð, hvort sem um flutning, gistingu eða aðra fyrirframgreidda hluta ferðar er að ræða, skal greiða af tryggingarfé svo að honum sé gert kleift að ljúka ferð sinni. Hins vegar er ekki skylt að greiða það sem viðskiptavinur kaupir aukalega, þ.e. hluta ferðar sem ekki teljast til fyrir fram ákveðinnar alferðar.

□ Hafi viðskiptavinur gengið til sammings við ferðaskrifstofu um að hefja alferð og greitt innborgun inn á ferð í því skyni en endanlegur samningur ekki komist á skal engu að síður greiða það fé sem viðskiptavinurinn hefur þegar reitt af hendi, enda leggi hann til fullnægjandi sönnunargögn þar að lítandi.

□ Þeir sem hafa greitt alferð að hluta eða öllu leyti en ekki hafið ferð skulu fá endurgreitt það fé sem þeir hafa reitt af hendi.

□ Hafi verið gripið til tryggingar og viðskiptavini verið gert kleift að ljúka alferð í samræmi við upphaflegan samning eru frekari kröfur ekki teknar til greina.

□ Þegar um heimflutning farþega er að ræða fyrir milligöngu ráðuneytis vegna rekstrarstöðvunar ferðaskrifstofu áður en alferð er lokið skal aðeins greiddur sá hluti alferðarinnar er viðskiptavini tókst ekki að ljúka.

□ Hafi viðskiptavinur aðeins keypt sér far með leiguflugi er heimflutningur hans tryggður af tryggingarfé ferðaskrifstofu.

□ Einungis beint fjárhagslegt tjón af alferð skal greitt af tryggingarfé ferðaskrifstofa en ekkert tjón sem rekja má til hugsanlegra óþæginda eða miska.]<sup>1)</sup>

<sup>1)</sup> L. 73/1998, 1. gr.

■ **15. gr.** [Ef til rekstrarstöðvunar ferðaskrifstofu eða ferðaskipuleggjanda kemur skulu viðskiptavinir leggja fram skriflega kröfu innan 60 daga frá birtingu áskorunar um kröfylsingu. Meðfylgjandi skulu vera nauðsynleg sönnunargögn um kröfuna, svo sem farseðlar og kvitteinir. Ef samgönguráðuneytið telur að frekari gögn séu nauðsynleg til sönnunar kröfunni er því heimilt að óska eftir þeim. Ef vafi leikur á um hvort gögn til stuðnings kröfu séu fullnægjandi skal samgönguráðuneytið skera úr.]<sup>1)</sup>

<sup>1)</sup> L. 73/1998, 1. gr.

■ **16. gr.** [Ferðaskrifstofa og ferðaskipuleggjandi skulu leggja fram tryggingu skv. 19. gr. sem nemur 70% af veltu tveggja söluhaestu mánaðanna í röð, 40% af veltu fjögurra söluhaestu mánaðanna í röð eða 20% af heildarveltu á ári vegna tryggingarskyldrar starfsemi og skal sú niðurstaða sem gefur hæstu tryggingu gilda. Trygging skal þó aldrei vera lægri en 1 millj. kr. vegna ferðaskrifstofu eða ferðaskipuleggjanda.

□ Samgönguráðherra skal setja reglur um bókhald og reikningsskil ferðaskrifstofa til að aðskilja tryggingarskylda starfsemi frá annarri starfsemi og til að nauðsynlegar upplýsingar við mat á tryggingarfjárhæð liggi fyrir.

□ Samgönguráðherra er heimilt að krefjast hærri tryggingar í þeim tilfellum þegar um sérstaklega áhættusaman rekstur er að ræða eða að öðru leyti er ljóst að trygging samkvæmt lögum þessum mun ekki nægja komi til gjaldþrots eða rekstrarstöðvunar ferðaskrifstofu.]<sup>1)</sup>

<sup>1)</sup> L. 73/1998, 1. gr.

■ **17. gr.** [Til að meta upphæð tryggingar hjá umsækjanda sem er að sækja um leyfi til reksturs ferðaskrifstofu í fyrsta sinn skal umsækjandi leggja fram ítarlega áætlun um rekstur, greiðslustreymi og efnahag fyrir yfirstandandi og næsta ár. Áætlunin skal vera brotin niður á mánuði og áætluð tryggingarskyld velta sérgreind. Áætluninni skal fylgja staðfesting endurskoðanda á að áætlunin sé rétt miðað við gefnar forsendur. Samgönguráðuneytið leggur mat á forsendur áætlunarinnar og er því heimilt að óska eftir samningum og öðrum gögnum er það telur nauðsynleg við mat á áætluninni.

□ Leyfishafar með tryggingu skv. 19. gr. skulu fyrir 31. mars ár hvert senda samgönguráðuneytinu endurskoðaðan

ársreikning og önnur gögn sem áskilin eru í reglum, sbr. 2. mgr. 16. gr., auk áætlunar um fyrirhuguð umsvif á starfsárinu. Ráðuneytið tekur ákvörðun á grundvelli þeirra upplýsinga um hvort tryggingarfjárhæð skuli breytt að fenginni umsögn löggið endurskoðanda.

□ Ef endurskoðað ársuppgjör hefur ekki borist 30. apríl er ráðuneytinu heimilt að fella leyfi til reksturs ferðaskrifstofu úr gildi.

□ Ef leyfishafi hefur ekki sinnt ákvörðun ráðuneytis um hækkan tryggingarfjárhæðar innan mánaðar frá því að honum var tilkynnt ákvörðun um hækkan hennar fellur leyfi til reksturs ferðaskrifstofu úr gildi.

□ Telji samgönguráðuneytið að rekstur ferðaskrifstofu gangi erfiðlega er því heimilt að kveðja til löggiltan endurskoðanda til að leggja mat á fjárhagsstöðu hennar. Tilkvöddum endurskoðanda er í þessu skyni heimill aðgangur að starfsstöð ferðaskrifstofunnar til að gera þær kannanir á bókhaldi og bókhaldsgögnum hennar sem hann telur nauðsynlegar.

□ Telji samgönguráðuneytið nauðsynlegt að fella leyfi til reksturs ferðaskrifstofu úr gildi vegna brota á þessari grein skal ráðuneytið tilkynna viðkomandi ferðaskrifstofu um það skriflega. Skal ferðaskrifstofan hafa 14 daga frest til að bæta úr þeim atriðum er ráðuneytið telur ábótvant.]<sup>1)</sup>

<sup>1)</sup> L. 73/1998, 1. gr.

■ **18. gr.** Trygging gildir jafnlengi og leyfi til ferðaskrifstofureksturs. Ef trygging verður ófullnægjandi á leyfistímanum skal afturkalla leyfi til ferðaskrifstofureksturs þar til bót hefur orðið á. Trygging skal vera tiltæk í allt að sex mánuði eftir niðurfellingu leyfis nema um uppsögn tryggingar sé að ræða. Ef fullnægjandi sönnur eru færðar að að allar kröfur vegna rekstrarstöðvunar ferðaskrifstofu hafi verið greiddar er samgönguráðuneytinu heimilt að fella þann hluta tryggingar sem eftir stendur úr gildi áður en lögbundnir sex mánuðir eru liðnir.

□ Samgönguráðuneytið ákværðar hvort greiða skal af tryggingarfé skv. 13. gr. Eigi er heimilt að fella tryggingu úr gildi eða skerða tryggingarfé nema leyfi ráðuneytisins komi til. Leyfi til reksturs ferðaskrifstofu fellur niður ef grípa þarf til tryggingarfjárhæðar vegna rekstrarstöðvunar eða gjaldþrots ferðaskrifstofunnar.]<sup>1)</sup>

<sup>1)</sup> L. 73/1998, 1. gr.

■ **19. gr.** Trygging, sbr. 13. gr., getur verið:

a. Fé í vörlu samgönguráðuneytis, sbr. 1. mgr. 16. gr.

b. Fé sem lagt er inn í viðurkennda banka- eða peningastofnun í nafni samgönguráðuneytis, sbr. 1. mgr. 16. gr.

c. Ábyrgd viðskiptabanka eða sparisjóðs eða vátrygging hjá vátryggingafélagi. Skulu þessir aðilar hafa starfsleyfi hér á landi. Þeir skulu og gefa yfirlýsingum um að gildissviði og fjárhæð tryggingarinnar séu í samræmi við lög þessi.]<sup>1)</sup>

<sup>1)</sup> L. 73/1998, 1. gr.

■ **20. gr.** Samgönguráðherra er heimilt að tilnefna tilsjónarmann til að sjá um uppgjör tryggingarfjárhæðar. Hann skal þá hafa með höndum umsýslu vegna heimflutnings farþega og endurgreiðslu af tryggingarfé ferðaskrifstofu. Kostnaður við störf tilsjónarmanns skal greiddur af tryggingarfé.]<sup>1)</sup>

<sup>1)</sup> L. 73/1998, 1. gr.

■ **21. gr.** Leyfi til reksturs ferðaskrifstofu fellur niður:

a. ef leyfishafi verður gjaldþrota eða sviptur fjárræði,

b. ef trygging sú, sem sett er skv. 13. gr., fellur niður eða fullnægir ekki þeim reglum sem ráðuneytið setur,

c. ef leyfishafi hættir að hafa búsetu á Íslandi.

□ Ef félag er leyfishafi eða annar en leyfishafi veitir daglegum rekstri ferðaskrifstofunnar forstöðu fellur leyfið niður ef einhverra þeirra skilyrða er misst sem uppfulla ber samkvæmt lögum þessum eða er forstöðumaður andast, enda sé ekki ráðinn nýr forstöðumaður sem uppfullir skilyrði laga þessara innan þess frests sem ráðuneytið setur.]<sup>1)</sup>

<sup>1)</sup> L. 73/1998, 1. gr.

■ [22. gr.]<sup>1)</sup> Nú andast leyfishafi og er þá eftirlifandi maka hans, ef hann situr í óskiptu búi, heimilt að halda áfram rekstrinum í fimm ár, enda sé fullnaðt almennum skilyrðum um ábyrgð og ekki ástæða til afturkóllunar leyfis skv. 21. gr.]<sup>1)</sup>

<sup>1)</sup> L. 73/1998, 1. gr.

■ [23. gr.]<sup>1)</sup> Fyrir útgáfu leyfa samkvæmt lögum þessum greiðist gjald til ríkissjóðs samkvæmt lögum nr. 88/1991, um aukatekjur ríkissjóðs.

□ Samgönguráðherra er heimilt að taka gjöld af ferðaskrifstofum og ferðaskipuleggjendum sem renna til samgönguráðuneytis til að standa straum af eftirliti samkvæmt lögum þessum. Fjárhæð gjaldanna skal koma fram í reglum sem ráðherra setur skv. 2. mgr. 16. gr. Gjöldin skulu standa undir kostnaði af bókhaldsrannsóknunum og öðrum þeim þáttum sem nauðsynlegir eru til að sannreyna fjárhæð tryggingar og með öðrum hætti hafa eftirlit með rekstri ferðaskrifstofa.]<sup>1)</sup>

<sup>1)</sup> L. 73/1998, 1. gr.

#### IV. kafli. Ferðamálasjóður.

■ [24. gr.]<sup>1)</sup> Ferðamálasjóður er eign ríkisins og lýtur stjórn samgönguráðherra.

□ Ferðamálasjóður er stofnláanasjóður þeirra starfsgreina sem ferðapjónusta einkum byggist á. Hlutverk sjóðsins er að stuðla að þróun íslenskra ferðamála með lánum og styrkveitingum.

<sup>1)</sup> L. 73/1998, 1. gr.

■ [25. gr.]<sup>1)</sup> Samgönguráðherra skipar þrjá menn í stjórn Ferðamálasjóðs til fjögurra ára í senn. Þar af er einn skipaður án tilnefningar og er hann jafnframt skipaður formaður sjóðstjórnar, en tveir fulltrúar skulu tilnefndir af Ferðamálaráði.

<sup>1)</sup> L. 73/1998, 1. gr.

■ [26. gr.]<sup>1)</sup> Fé Ferðamálasjóðs má ráðstafa á eftирgreindan hátt:

1. Sjóðurinn veitir einkaaðilum og opinberum aðilum lán til framkvæmda við gisti- og veitingastaði gegn fullnægjandi tryggingu.

2. Sjóðnum er heimilt að veita einkaaðilum og opinberum aðilum, gegn fullnægjandi tryggingu, lán til annarra þátta ferðamála en í 1. lið greinir, svo framarlega sem með lánveitingunni er stuðlað að þróun íslenskra ferðamála.

3. Sjóðnum er heimilt að veita óafturkræf framlög til byggingar gistirýmis eða gerast eignaraðili að gistaðstöðu þar sem rekstri er halddi upp allt árið. Framlag þetta má aldrei nema en 30% af byggingarkostnaði.

4. Sjóðnum er heimilt að veita óafturkræf framlög til einkaaðila og opinberra aðila sem með starfsemi sinni stuðla að þróun íslenskra ferðamála.

□ Samþykktir stjórnar Ferðamálasjóðs um lán- og styrkveitingar skulu lagðar fyrir Ferðamálaráð til kynningar og umfjöllunar.

<sup>1)</sup> L. 73/1998, 1. gr.

■ [27. gr.]<sup>1)</sup> Tekjur Ferðamálasjóðs eru þessar:

1. [Framlag úr ríkissjóði eftir því sem ákveðið er í fjárlögum.]<sup>2)</sup>

2. Tekjur af starfsemi sjóðsins.

<sup>1)</sup> L. 73/1998, 1. gr. <sup>2)</sup> L. 144/1995, 50. gr.

■ [28. gr.]<sup>1)</sup> Ferðamálasjóði er heimilt, að fengnu samþykki ríkisstjórnarinnar, að taka allt að 60 millj. kr. lán eða jafnvirði þeirrar fjárhæðar í erlendri mynt ef árlegt ráðstöfunarfé sjóðsins nægir ekki til að hann geti á viðunandi hátt gegnt hlutverki sínu.

□ Fjármálaráðherra er heimilt að ábyrgjast slíkt lán fyrir hönd ríkissjóðs.

<sup>1)</sup> L. 73/1998, 1. gr.

■ [29. gr.]<sup>1)</sup> Fela skal bankastofnun að annast umsjón Ferðamálasjóðs, vörslu hans, bókhald, innheimtu og útborganir.

<sup>1)</sup> L. 73/1998, 1. gr.

■ [30. gr.]<sup>1)</sup> Til engrar einstakrar framkvæmdar má á sama ári veita herra lán en sem nemur  $\frac{1}{3}$  hluta þess fjármagns sem Ferðamálasjóður getur haft til umráða til útlána á árinu að lánsfó meðtöldu, nema sérstakar ástæður komi til.

<sup>1)</sup> L. 73/1998, 1. gr.

■ [31. gr.]<sup>1)</sup> Telji Ferðamálaráð að heimavistarbygging í þágu skóla, sem ríkissjóður kostar að einhverju leyti, henti til starfrækslu sumargistihúss getur það farið fram á að byggtingarteikningum sé hagað svo að húsnaðið fullnæggi þeim kröfum sem gerðar eru til rekstrar gistihiúss, enda sé Ferðamálaráð eða viðkomandi byggingaraðili reiðubúinn að bera ábyrgð á þeim viðbótarkostnaði sem af breytingunum leiðir. Jafnframt er heimilt í þessu skyni að veita Ferðamálaráði eða viðkomandi byggingaraðila lán úr ríkissjóði fyrir milligöngu Ferðamálasjóðs, allt að 4 millj. kr. árlega.

<sup>1)</sup> L. 73/1998, 1. gr.

■ [32. gr.]<sup>1)</sup> [Lán úr Ferðamálasjóði skulu veitt til allt að 25 ára.]<sup>2)</sup> Lán má veita afborgunarlaut fyrstu tvö árin.

□ Ráðherra ákveður vexti og önnur kjör þeirra lána er sjóðurinn veitir.

□ Lánin skulu tryggð með veði í fasteign eða á annan jafntryggan hátt og heimilt er að binda greiðslur afborgana og vaxta vísitölu byggingarkostnaðar.

□ Nú tekur Ferðamálasjóður erlent lán og skal það þá endurlánað með gengistryggingu.

<sup>1)</sup> L. 73/1998, 1. gr. <sup>2)</sup> L. 156/1994, 1. gr.

■ [33. gr.]<sup>1)</sup> Við afgreiðslu lána skal þess gætt að lánveiting valdi ekki óeðilegri samkeppni við fyrirtæki sem starfandi eru fyrir.

<sup>1)</sup> L. 73/1998, 1. gr.

■ [34. gr.]<sup>1)</sup> Reikningar Ferðamálasjóðs skulu endurskoðaðir af ríkisendurskoðuninni.

<sup>1)</sup> L. 73/1998, 1. gr.

#### V. kafli. Ýmis ákvæði.

■ [35. gr.]<sup>1)</sup> Ráðherra er heimilt að ákveða að þeir aðilar, sem skipuleggja hópferðir um Ísland, skuli, samkvæmt nánari reglum<sup>2)</sup> sem settar yrðu þar að lítandi, kaupa tryggingu hjá viðurkenndu tryggingarfélagi vegna kostnaðar sem hljóstast kynni af leit eða björgun farpega sem ferðast á þeirra vegum.

□ Enn fremur er ráðherra heimilt að ákveða að sömu aðilar skuli hafa í nánar tilteknun ferðum leiðsögumenn sem hlotið hafa sérstaka þjálfun til þess starfa samkvæmt frekari ákvæðum í reglugerð.<sup>3)</sup>

<sup>1)</sup> L. 73/1998, 1. gr. <sup>2)</sup> Rg. 175/1983. <sup>3)</sup> Rg. 130/1981, sbr. 308/1990.

■ [36. gr.]<sup>1)</sup> Ráðherra er heimilt að ákveða, að fenginni umsögn Ferðamálaráðs, að greitt skuli sannigjart gjald fyrir þjónustu sem veitt er á stöðum í umsjá ríkisins, enda sé fó það, sem þannig safnast, að frádregnum innheimtukostnaði, eingöngu notað til verndar, fegrunar og snyrtingar viðkomandi staðar og til að bæta aðstöðu til móttöku ferðamanna.

Ákvæði þessi taka þó ekki til þjoðgarða eða annarra svæða á vegum [Náttúruverndar ríkisins nema samþykki hennar komi til].<sup>2)</sup>

<sup>1)</sup> L. 73/1998, 1. gr. <sup>2)</sup> L. 93/1996, 41. gr.

■ [37. gr.]<sup>1)</sup> Brot gegn lögum þessum varða sektum nema þyngri refsing liggi við samkvæmt lögum.

Með brot gegn lögum skal farið að hætti opinberra mála.

<sup>1)</sup> L. 73/1998, 1. gr.

#### Ákvæði til bráðabirgða.

■ I. Skipa skal nýtt Ferðamálaráð og nýja stjórn Ferðamálasjóðs samkvæmt lögum þessum þegar er því verður við komið. Skipunartími núverandi Ferðamálaráðs og stjórnar Ferðamálasjóðs skal haldast þar til skipað hefur verið í ráðið og stjórn sjóðsins að nýju.

■ II. Leyfi til reksturs ferðaskrifstofu, sem í gildi eru við gildistöku laga þessara, skulu halda gildi sínu í fimm ár, sbr. 11. gr., og endurnýjuð að þeim tíma liðnum.